

JONES, OWEN GETHIN ('Gethin'; 1816 - 1883), saer a llenor

Enw: Owen Gethin Jones

Ffugenw: Gethin

Dyddiad geni: 1816

Dyddiad marw: 1883

Priod: Ann Jones (née Owen)

Rhiant: Grace Jones

Rhiant: Owen Jones

Rhyw: Gwryw

Galwedigaeth: saer a llenor

Maes gweithgaredd: Diwydiant a Busnes; Hanes a Diwylliant; Llenyddiaeth ac Ysgrifennu; Barddoniaeth

Awdur: Robert Thomas Jenkins

Ganwyd 1 Mai 1816 yn Tyn-y-cae, Penmachno, yn fab i Owen a Grace Jones. Saer maen oedd ei dad, a dygwyd yntau i fyny yn yr un grefft, ond yn nes ymlaen troes yn saer coed, yna'n adeiladydd, ac yn y diwedd yn 'contractor' ar raddfa go helaeth. Priododd (1843) ag Ann, merch William Owen o'r Coetmor ac yres i'r porthmon adnabyddus Robert Jones o'r Bwlch Bach yn Nolwyddelan; bu hi farw yn 1873. Yn 1852 prynodd Dyddyn Cethin a gweddnewidiodd yr adeiladau a'r tir yno.

Ar ben ei weithgarwch fel amaethwr a chrefftwr a dyn busnes, yr oedd 'Gethin' yn llenor da, yn brydydd diwyd, ac yn hynafiaethydd lleol gwybodus, fel y prawf ei draethodau ar hanes plwyfi Penmachno, Ysbyty Ifan, a Dolwyddelan. Parlyswyd ef ddechrau 1882, a bu farw 29 Ionawr 1883.

Cyhoeddwyd yn 1884 y gyfrol *[Gweithiau Gethin](#)*^[G], sy'n cynnwys byr-gofiant y seiliwyd y nodyn presennol arno.

Awdur

Yr Athro Emeritus Robert Thomas Jenkins, (1881 - 1969)

Darllen Pellach

Vivian Parry Williams, *Owen Gethin Jones: ei fywyd a'i feiau* (Llanrwst 2000)

Erthygl Wicipedia: [Owen Gethin Jones](#)

Dolenni Ychwanegol

VIAF: [14271917](#)

Wikidata: [Q20567274](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

